

R 26  
2-2

御纂醫宗金鑑卷三

編輯外科心法要訣目錄

頭部

百會疽

又名玉頂灸

透腦疽

侵腦疽

佛頂疽

又名頂心疽

額疽

已偏心  
三五

勇疽

太陽穴

鬢疽

天疽銳毒

左為天疽  
右為銳毒

耳後疽

耳發

耳根毒

玉枕疽

腦後發

腦鑠

油風

白屑風

禿瘡

蝮蝨癩

髮際瘡

疥人多生

面部

顴瘍

顴疽

顴疔

面發毒

面遊風

疔腮

頰瘍

骨槽風

發頤

時毒

鳳眉疽

眉心疽

龍泉疽

虎鬚毒

燕窩瘡

雀斑

黑痣

鰲黑肝黧



御纂醫宗金鑑卷三

編輯外科心法要訣

百寶是在頂中央自面側觀之正對耳夫

百會疽圖



頭部

百會疽

百會疽在巔頂結經屬督脈百會穴初如粟米漸如錢甚似葡萄堅似鐵高腫熱實清毒火平場陽虛溫補怯腫連耳項動痰聲七日不潰命必絕

註

此百會疽又名玉頂發生在巔頂正中屬督脈經百會穴由膏梁太過火毒凝結而成初起形如粟米漸腫根大如錢甚則形似葡萄堅硬如鐵高尖紅腫焮熱疼痛瘡根收束憎寒壯熱大渴隨飲隨乾口苦唇焦便秘煩躁脈見洪數者此屬氣實宜服黃連消毒飲以清毒火外敷沖和膏

若漫腫平塌紫暗堅硬聾痛根散惡寒便瀉岷見細數者  
此屬陽虛宜服十全大補湯以溫補之外敷回陽玉龍膏  
若面赤過煩口乾不渴唇潤者此屬陽虛浮泛宜服桂附  
地黃丸引火歸源更用生兩子餅置兩足心涌泉穴各灸  
五壯以洩其毒初起貼琥珀膏已潰糝黃靈藥太乙膏蓋  
貼腐盡再易生肌之藥治之若腫連耳項痰如拽鋸七日  
無膿不潰神昏者命必絕矣

黃連消毒飲

蘇木 二分

桔梗 五分

甘草 三分

黃芩 五分

陳皮 二分

黃蘗 五分

人參 三分

藁本 五分

防已 五分

防風 四分

知母 四分

羌活 一分

獨活 四分

連翹 四分

黃連 一錢

生地黃 四分

黃耆 二錢

澤瀉 二

當歸尾 四分

水煎食遠溫服

方歌黃連消毒清毒火諸般火證服最良蘇木甘草陳皮桔

藥人參藁二防知母羌活獨活等連翹黃連生地黃黃耆

澤瀉當歸尾服後最忌飲寒涼

中和膏



回陽王龍再俱

生肌散

十全大補湯

黃靈藥

太乙膏 俱見瀕瘍門

桂附地黄丸


附子餅 見前灸法

琥珀膏 見後髮際瘡

門

透腦侵腦疽圖

透腦疽生在百會穴前



侵腦疽生在透腦疽側下五虞

透腦疽

透腦疽生百會前形如雞子痛而堅軟漫膿稀虛塌陷紅硬膿稠實腫尖

註

此證生於百會穴之前額門之際亦由督脈經火毒而成初如粟米漸如雞子堅硬疼痛瘡頂塌陷根脚漫腫色暗者屬虛若色紅腫硬頂尖膿稠者屬實速潰者順遲潰透腦髓者逆其腫潰內外治法俱按百會疽

侵腦疽

侵腦疽生透腦旁濕火攻發屬太陽穴名五處知其位紅順紫

逆要審詳

註

此疽生於透腦疽側下由太陽膀胱經濕火而成穴各五處紅腫高起焮熱疼痛膿色如蒼蠟者屬氣血俱實順而易治若紫陷無膿根脚散大者屬氣血兩虛逆而難治初起宜服荆防敗毒散汗之次服內疎黃連湯下之將潰服托裏透膿湯已潰服托裏排膿湯外貼琥珀膏圍敷冲和膏其餘內外治法俱按癰疽潰瘍門

托裏透膿湯

人參

白朮

穿山甲

炒研

白芷

各一錢

升麻

甘草節

各五分

當歸

二錢

生黃耆

三錢

犀角刺

一錢五分

青皮五分

水三鍾煎一鍾病在上部先飲煮酒一鍾後熱服此藥病

在下部先服藥後飲酒瘡在中部藥內兌酒半鍾熱服

方托裏透膿治癰疽已成未潰服之宜參朮甲芷升麻草當

歸黃耆刺青皮

荆防敗毒散見項部腦疽

丙疎黃連湯

中和膏俱見腫瘍門

托裏排膿湯見頂部魚尾毒

琥珀膏見髮際瘡內

佛頂疽圖



佛頂疽生在透腦疽之前上星穴

佛頂疔

佛頂疽屬督上星陰陽不調毒熱成不論虛實皆險證潰爛黑陷必然凶

註

此證一名頂門疽生於頭頂顛門之前屬督脈經上星穴由藏府陰陽不調熱毒上壅而成色紫堅硬腫痛脈洪大而數者爲實脈微細而數者爲虛皆屬險證若潰爛黑陷六脈散大神昏譫語二便閉結者爲逆首尾內外治法俱按百會疽

額 疽 圖





額疽

額疽牛額火毒成左右膀胱正督經頂陷焦紫無膿重高聳根收紅腫輕

註

此證生前額正中者屬督脈經或生左右額角者屬膀胱經總由火毒而成初起瘡頂塌陷乾焦色紫不生大膿者其勢重而屬險也若紅腫高聳瘡根收束者其勢輕而屬順也初服荆防敗毒散汗之次服仙方活命飲消之將潰氣虛者宜服托裏透膿湯氣實者宜服透膿散外敷冲和膏已潰宜服托裏排膿湯外貼琥珀膏其餘內外治法俱

按癰疽潰瘍門